

光緒乙酉季春鐫

善慶山齋

本衙藏板

奉化縣志卷之七

志人物上

人物不一類而各類其類大聖大賢天下萬世人物也一國一鄉之善士一國一鄉人物也卽至十室之邑厥有忠信大成其大小成其小安在不可以人物名哉古者薦紳先生死祭於社今之孝子悌弟

國典亦允祀於鄉誠以觀聽切而感化易故裨於世而未忍忘耳奉邑地本荒服先代賢哲可據而書策者類如前勳近有鄉型孝義列女訪求序列如左而以流寓附於篇則有美斯奉化縣志

卷之七

人物上

著可愛必傳庶乎其徵信也歟

前哲

選

竇景庸中京人清霄進士大安初監修國史封陳國公授武定軍節度使招流亡戢奸猾決冤獄能愜人心有威望七年拜中京留守卒諡肅憲

金

鄭子聃字景純大定府人父宏遼金源令子聃及冠有能賦聲天德三年廷試一甲第三子聃自負嘗歎不得爲第一人



正隆二年海陵以第一人程文問子聃子聃少之海陵不悅
乃使子聃與翰林修撰纂戩楊伯仁宣徽判官張汝霖等同
進士雜賦子聃果第一海陵奇之進官三階除翰林修撰改
侍御史京畿早詔子聃決囚遂澍兩人以比顏真卿累遷侍
講兼修國史子聃英俊有直氣爲文亦然生平所著詩文二
千餘篇詳史傳

論曰景純以雄直之氣見賞於時人權比之顏魯公有以
也至其甲第高翔所重本不在此然懷才欲試志士之常
良工而賤之古今同慨海陵復試果占廷魁文章定價不

奉化縣志

卷之七

人物上

二

洵爲牢落者一吐其氣哉亦可稱千古佳話矣

王維翰字之翰北京路龍山人大定二十八年進士調貴德
州軍事判官察廉遷永霸令健訟衰息歷弘政獲嘉令佐胥
持國治河決遷一階改北京轉運戶籍判官同知保靜軍節
度使檢括戶籍一郡稱平貞祐初轉定海軍節度使舟行遇
盜維翰呼謂之曰爾輩本良民因亂至此財物不足惜勿恐
吾家可也盜感其言竟去至鎮無兵而敵騎充斥鄰郡皆望
風潰維翰謂吏民曰孤城不可守此州阻山浮海當有生地
無俱爲魚肉也乃縱百姓各避難唯率吏民願從者奔東北

山結營堡自守力窮被執不屈死之追贈中奉大夫
論曰前賢謂士窮見節義世亂識忠臣尚矣王節度之鎮
定海縱民避難自乃臨難不苟免蓋一舉而智仁勇咸備
焉目爲歲寒松柏其允哉

完顏伯嘉北京路額爾袞必刺猛安人明昌二年進士初爲
中都左警巡判官執法不避權貴至興定元年官御史中丞
宣宗憂旱伯嘉奏曰日者君象旱者人君自用亢極之應且
燮和陰陽宰相之職不宜歸罪有司三年宰相請修山寨以
避兵廷議又欲棄河東徙民以實陝西伯嘉皆以切諫止之

奉化縣志

卷之七

人物上

三

伯嘉純直不能與時低昂嘗曰生爲男子當益國澤民其他
不可學也宰相高汝礪方希寵固位伯嘉論事輒與之忤由
是毀之者衆元光二年權參知政事行尚書省於河中率陝
西精銳與平陽公史詠共復河東尋薨詳見金史
何博霄北京人好施與鄉里以善人稱孫道忠仕至北京留
守

瑤里孛迭北京路陀羅山謀克人勇決善戰自幼以軍功顯
擢海濱令廉能稱職明昌六年北邊有警孛迭時爲東北路
招討使率兵往救解慶州圍六羣牧人叛孛迭爲都統領步

騎入至懿州奮擊大敗之承安二年追敗亂軍千餘於錦懿
間獲所剽掠悉還本戶五年知廣寧府仍改東北路招討使
捍邊有功三遷爲崇義軍節度使

冀禹錫北京路龍山人至寧初進士歷官州郡有聲歸德受
兵禹錫爲行院都事經畫守禦一府倚重及聞變或勸以微
服免不從遂遇害

元

李守賢字才叔大寧人初與兄庭植歸木華黎太祖命庭植
爲右副元帥守賢授錦州臨海軍節度觀察使遷河東南路

奉化縣志

卷之七

人物上

四

兵馬都總管鎮河東太宗南伐道出平陽見田野不治問守
賢對曰民貧乏耕具詔給牛萬頭乃徙關中人民墾地河東
時河中未下守賢請自北面鑿城先登城果下金兵十萬保
少室山守賢以三千人破之攻河南降其渠帥洛西遂定子
穀累功官河東路總管孫伯溫死平陽之難

王克敬字能叔大寧人幼奇穎丞相完澤一見許爲令器累
官江浙行省左右司都事時番陽大饑總管王都中出廩粟
賑之行省欲罪其擅發克敬曰番陽距此千里比待命民且
死彼爲仁吾屬獨爲不仁乎都中因得免拜監觀御史遷左

司都事時英宗勵精圖治丞相拜住請改置前政不便者會
議中書堂克敬首言江南包銀暨兩浙煎鹽諸弊皆當罷詔
從之泰定中參知政事行省遼陽俄除江南行臺治書御史
又遷淮東廉訪使不縱貪墨不阿宗戚以正紀綱爲己任聲
譽益隆元統初爲浙江行省參政年五十九卽請老謂人曰
穴址而峻墉必危再實之木必傷其根無功德而忝富貴何
以異此又曰世俗喜言勿認真夫臨事而不認真豈盡忠之
道乎生平喜讀書有得輒以筆記久之成帙有文集行於世
卒封梁郡公諡文肅子時亦以文學顯官翰林承旨

奉化縣志

卷之七

人物上

五

論曰認真二字最關學問蓋著誠去僞之根本也 畿輔
鹿忠節公爲理學爲名臣嘗有認真草三十卷行世公之
學蓋得力於此今觀文肅亦然又奚疑其聲譽隆而勲業

燦歟

孫秀實大甯人性剛毅喜周人急里人王仲和嘗託秀實貸
富人鈔二千錠貧不能償逃去數年其親思之成疾秀實日
饋薪米存問卽爲貸償取券還其家復命奴賣金訪仲和使
歸父子歡聚聞者莫不嗟美又李懷玉等貸秀實鈔數千錠
度無以償盡焚其券人咸稱之事聞詔旌其義

論曰仗義輸財解紛排難好名之人類能之若孫秀實之於仲和始終扶濟委曲用心如此其仁心義質之君子矣乎

劉廷讓大甯人至順初遇兵亂攜家走避追兵急廷讓棄子抱弟扶母疾趨得免事聞於朝詔旌之

論曰伯道無兒今昔所慨不謂千載下乃復有劉廷讓其人也後果艱於嗣否不可知而每令人悚敬作顛沛必於是之想

崔敬字伯恭大甯人順帝至元六年拜監察御史時既毀文

奉化縣志

卷之七

人物上

六

宗廟主又徙文宗后於東安州而放其子燕帖古思於高麗敬奏請迎歸太后太子以全母子之情盡骨肉之義又上疏諫天子巡幸上都宜御內殿與宰臣謀治道究古今盛衰之由及帝數以歷代珍寶分賜近侍又以恩不可濫乞追所賜以待有功至正初遷河南又遷江東所至抑豪強惠下窮流冤滯興學勸農百廢備舉十一年遷同知大都路總管府事直沽河淤數年委敬治之不三月告成咸服其能十七年分省陵州時盜據齊魯敬兼領兵刑戶工四部事供給諸軍事無不集山東郡邑之復敬策居多卒諡忠敏

鄉型

李遇春字曉園守善社人初為昌圖學廩生遇

覃恩貢成均光緒四年改設縣治立學校撥歸奉化籍性孝友端
謹具幹濟才昌圖創修

聖廟遇春與其事矯矯有鶴立雞羣之概趙太守夙重之及本縣

建修學宮官紳延舉為領袖遇春慨任之公而忘私始終

其事兩越春秋如一日事有斷制勞怨弗避亦每事和衷無

疾聲遠色故人爭慕其才兼服其量學宮告成心力交瘁

乃於七年積勞病歿年五十有八士林悼惜會葬者甚眾遠

奉化縣志

卷之七 人物上

七

近無知不知皆稱曉園先生學博趙萬泰旗其門口望重儒

林咸以為不愧云

林萬春李敏採舉

論曰邊地沐

化未久俗鄙野而士習多浮囂遇春曠

起窮鄉能振拔流俗其諸無待而興豪傑士歟詳察眾好

又悉其跬步不踰恂恂儒風表裏如一傳所謂不為昭昭

伸節不為冥冥墮行遇春殆庶幾有焉

劉輝斗力學植品初為吉林諸生考取小教習

唯奉省有此以諸生考充

聞專教習漢軍八旗小學差滿引見以訓導選用

後移居縣治之永隆社性端直

好排難解紛人多賴之教授生徒數十年孜孜忘倦成就後

進頗夥至今稱頌弗衰昌圖創修

聖廟

輝斗籌辦捐事不遺餘力而生平狷介尤可風焉

林萬春採舉

曲長年字桂林初山東掖縣人道光間移居邑之縣治街喜讀書工篆隸性骨鯁史某嘗忤其母以父執禮見甚恭謹長年遠叱之日能勿得罪而母勝敬予多矣史惶然退因改行蓋其素行端直有以感之也家小康尤輕財樂義遊給孤寺即今之鬼王廟見旅櫬纍纍尸骸暴露尋僧問故蹙然傷之捐香火地三十五畝詳廟碑俾盡埋藏焉其慷慨類如此林萬春趙廷瑞賀殿寬郭

樹藩並舉

奉化縣志

卷之七

人物上

八

鄉型事略附錄

林文珠初金州人父世興人稱東溪先生嘉慶辛酉孝廉清貧博學品尤高潔著摛謙堂時文稿人多贈炙之文珠業儒旋棄進取道光間移居縣治允順社樸素樂善尤敦睦宗族現年近八旬身康強子賢孝人以爲德報云

路槐卿採舉

林萬春字恩溥金州附貢生隨父文珠遷縣治性真摯喜讀書現年五十有五雙親在堂壽開八帙萬春率弟昆恂恂奉養有孺慕風孝友一堂爲邑境所矜式植品端潔樸素鄉里化之而謙遜和藹獎掖後進士林尤推服云

李應辰太史桂並舉

王會清惠遠社人寄外籍歲貢現年五十有三學問優長品
誼端正未詳其事略人咸稱之

王肇岐採舉

趙化南允順社人寄外籍諸生年已望七學品與王會清略

同王肇岐採舉

孔繼儒係山東 聖裔

聖廟

五品執事銜遷邑之守善社居焉樸素慷慨好周濟宗黨尤

樂為人息爭端雖費錢帛不卹也一時鄉里咸重之匾其門

曰闕里世家

林萬春採舉

李慶恩性剛直弱冠應童子試艱於遇毅然棄進取習岐黃

奉化縣志

卷之七

人物上

九

術於瘟疫痘疹兩科尤精窳三折肱每天災盛行門恒如市

活人蓋無算焉嘗採輯瘟疫摘要二卷神摹手追劇有心得

晚歲尤樂善不倦喜涉獵羣書尤耐讀勸懲各編輒手鈔附

以論議錚錚有聲著有觀感益識錄四卷藏於家時年八十

有五

林萬春採舉

論曰生人砥行植品一朝失足百年瓦解故蓋棺而後論

定伊古為然鄉型林文珠以下參以向來志例非所得而

書也但曩見邸鈔各省捐賑鉅款不願仰邀

旌獎者

大吏輒聞於 朝請附郡志以彰其義多奉

旨照準

爰推仿斯例爲奉邑勸願諸君各自兢兢以副雅望庶幾
夙夜以永終譽益三復振鷺詩歎

奉化縣志

卷之七

人物上

十